



Province of the
EASTERN CAPE
EDUCATION



**NATIONAL
SENIOR CERTIFICATE**

IBANGA 11

NOVEMBA 2022

**ISIXHOSA ULWIMI LOKUQALA
OLONGEZELELWEYO P3
ISIKHOKELO SOKUMAKISHA
(EXEMPLAR)**

AMANQAKU: 100

Esi sikhokelo sokumakisha sinamaphepha ali-15.

ICANDELO A: ISINCOKO**IMIYALELO YOKUMAKISHA**

Kweli CANDELO umviwa ukhetha isihloko sibe sinye. Xa ekhethe zazibini makisha esokuqala.

QAPHELA: Umviwa angabhala naluphi udidi lwesincoko ngesihloko asikhethileyo. Ubude besincoko bumele ukuba kwisithuba samagama ali-190 ukuya kuma-240.

Sebenzisa irubriki esisihlomelo A ukumakisha isincoko.

UMBUZO 1

- 1.1 Isihloko: Ndazibona ubuqhawe loo mini
 Imo efanelekileyo: Intshayelelo, isiqu nesiphelo.
 Ulwimi: Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
- Umxholo: **Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo.**
- Umviwa angasebenzisa nawuphi kule mixholo ilandelayo**
- Makube libali elinye.
- Angabalisa ngebali elamenza wazibona ubuqhawe, wayeka ukuzoyikisela
 - Ibali awazibona ephumelela kwimeko eyayingumngcipheko kubomi bakhe
 - Ibali awasindisa ngalo umntu/abantu abathile kwimeko ethile
 - Ibali elingokuphumelela ibhaso elifunyanwa kwinqanaba elithile lokuphawula izenzo zobuqhawe.
- [Naziphi izimvo zomfundi ezisemxholweni ziya kwamkeleka.]

[50]

- 1.2 Isihloko: Inkqubo kamabonakude endiyithandayo
 Imo efanelekileyo: Intshayelelo, isiqu nesiphelo.
 Ulwimi Luhambelane nenjongo yokubhala, uhlobo lomhlathi oluhambe-lana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
 Umxholo **Umviwa angabalisa/chaza/camngca/xoxela amacala omabini/xoxa ngomnye kule mixholo ilandelayo.**
Umviwa angasebenzisa nawuphi kule mixholo ilandelayo
- Makayibize ngegama inkqubo ayithandayo achaze izizathu zoko
- [Naziphi izimvo zomfundi ezisemxholweni ziya kwamkeleka.] [50]
- 1.3 Isihloko: Iphupha endingenakulilibala
 Imo Intshayelelo, isiqu nesiphelo.
 efanelekileyo: Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
 Ulwimi
 Umxholo **Umviwa angabalisa/chaza/camngca/xoxela amacala amabini/ xoxa ngomnye kule mixholo ilandelayo.**
Umviwa angasebenzisa nawuphi kule mixholo ilandelayo
- Angabhala ngephupha elimnandi awaliphuphayo
 - Iphupha awaliphuphayo lazaliseka
 - Iphupha analo ngekamva lakhe
 - Iphupha awalibaliselwayo
- [Naziphi izimvo zomfundi ezisemxholweni ziya kwamkeleka] [50]

- 1.4 Isihloko: Umthetho omisela iminyaka eli-18 yemvume yokuqhuba imoto usafanelekile
Imo Intshayelelo, isiqu nesiphelo.
efanelekileyo:
Ulwimi Luhambelane nenjongo yokubhala, uhlobo lomhlathi oluhambe-lana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanele-kileyo.
Umxholo **Umviwa angabalisa/chaza/camngca/xoxela amacala amabini/ xoxa ngomnye kule mixholo ilandelayo.**
Umviwa angasebenzisa nawuphi kule mixholo ilandelayo.
- Angabhala ngokuba umntu ominyaka ili-18 sele ekwazi ukuthatha uxanduva lwezenzo zakhe ufanelekile abenemvume yokuqhuba
 - Angachasa ngelithi umntu nokuba ungaphantsi kweminyaka eli-18 uyakwazi ukumisa ingqondo athathe uxanduva ngezenzo zakhe
 - Iminyaka eli-18 abanye abantu ibenza bacinge ukuba bangenza nantoni na ebomini kuba becinga ukuba yiminyaka ethatha uxanduva asingomntu
 - Ukuhla kweengozi nokwaphulwa komthetho ngabantu abakwaziyo ukuqhuba kodwa bengekafikeleli kwiminyaka emiselweyo
- [Naziphi izimvo zomfundi ezisemxholweni ziya kwamkeleka] [50]
- 1.5 Isihloko: Bonke abasebenzi mabahlawulwe imali elinganayo
Imo Intshayelelo, isiqu nesiphelo.
efanelekileyo:
Ulwimi Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
Umxholo **Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo.**
Umviwa angasebenzisa nawuphi kule mixholo ilandelayo
- Ukuphila ubomi obuphucukileyo kufanele umntu wonke
 - Iziphiwo/iitalente zabantu azifani ngoko ke kuyadingeka ukuba kubekho abantu bokwenza zonke izinto, umzekelo injineli, ugqirha, umcoci njalo njalo
 - Ukuphelelwa lixesha kwemfundo nokuhloniphana
- [Naziphi izimvo zomfundi ezisemxholweni ziya kwamkeleka] [50]

- 1.6 Isihloko: Ndandithetha nje-e kanti ndimnika amazwi enkuthazo
 Imo efanelekileyo: Intshayelelo, isiqu nesiphelo.
 Ulwimi Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
 Umxholo **Umviwa angabalisa/chaza/camngca/xoxela amacala amabini/ xoxa ngomnye kule mixholo ilandelayo.**

Umviwa angasebenzisa nawuphi kule mixholo ilandelayo

- Amazwi awawathethayo nemeko, nomntu lowo awathetha kuye
- Loo mazwi awathethayo avuselela ithemba emntwini owayesele enikezele
- Loo mazwi akhuthaza umbono othile umntu wayewuthandabuza ukuba ungaphumelela

[Naziphi izimvo zomfundi ezisemxholweni ziya kwamkeleka.]

[50]

- 1.7 1.7.1 Isihloko: **UMFANEKISO**
 Imo efanelekileyo: Intshayelelo, isiqu nesiphelo.
 Ulwimi Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
 Umxholo **Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo.**

Umviwa angasebenzisa nawuphi kule mixholo ilandelayo

Makanike isihloko esifanelekileyo ngomfanekiso.

- Angabhala ngongcoliseko lomoya
- Ukuthathwa kwemisebenzi yabantu ngoomatshini
- Inkqubela yelizwe kwezoqoqosho

[Naziphi izimvo zomfundi ezisemxholweni ziya kwamkeleka.]

[50]

- 1.7.2 Isihloko: **UMFANEKISO**
- Imo efanelekileyo: Intshayelelo, isiqu nesiphelo.
- Ulwimi Luhambelana nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
- Umxholo **Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo.**
- Umviwa angasebenzisa nawuphi kule mixholo ilandelayo**
- Makanike isihloko esifanelekileyo ngomfanekiso.
- Ukubaluleka kokwenza imithambo empilweni
 - Ukuzikhusela kwabantu kwintsholongwane yekhorona xa bephakathi kwabantu
 - Uncedo lwetekhnoloji ekwenzeni imithambo
- [Naziphi izimvo zomfundi ezisemxholweni ziya kwamkeleka.]

[50]

IIMPAWU ZESINCOKO

Isincoko esibalisayo:

- Sibhalwa kumntu wokuqala okanye owesithathu.
- Makasebenzise ixesha eladlulayo/elidlulileyo/elimiyo.
- Makabonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekhehli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

[50]

Isincoko esichazayo:

- Sinokubhalwa ngokwexesha elidlulileyo okanye elangoku.
- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi.
- Sisebenzisa imifanekiso-ntelekelelo nezafobe zentetho.
- Sivakalisa iimvakalelo zombhali.

[50]

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyachaza. (Sisebenzisa izixhobo zokuchaza ezifana nezichazi, imifanekiso – ntelekelelo, izihlomelo, neziphuhliso ezifana nezifanekisozwi kwakunye nezafobe zentetho).
- Uvakalelo lombhali maluveze ukunyaniseka kunye nokubandakanyeka..

[50]

Isincoko esixoxayo:

- Umviwa uthatha icala ngomba othile.
- Uthotho lweengxoxo – oludla ngokuba kwimo engengcaciso ngeengongoma ezithile.
- Ukubethelela – isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengcebiso.

[50]

Kwisincoko esivelela amacala omabini:

- Inkcazelo engomba inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma nokunika ubungqina obuyinyani obuxhasayo.
- Isiphelo – isishwankathelo neengcebiso.
- Makabonise ulwazi ngesihloko nangomba axoxa ngawo.

[50]

AMANQAKU ECANDELO A: 50

ICANDELO B: UMHLATHI OMDE**IMIYALELO YOKUMAKISHA**

- Kweli CANDELO umviwa ukhetha umhlathi omnye, ukuba ukhethe yangaphezu komnye makisha owokuqala.
- Ubude bomhlathi mabube ngamagama ali-80–100.
- Sebenzisa irubriki esisihlomelo B ukumakisha lo mhlathi.

UMBUZO 2**2.1 ILETA ESESIKWENI**

- lidilesi zimbini, eyombhali neyombhalelwa
- Isibuliso nesiphelo masibe seseleta esesikweni
- Umcimbi (ukuba ubhalwe ngoonobumba abancinci ukrwelelwe umgca ngaphantsi)
- Umxholo mawube malunga nesicelo sokunceda isikolo ngezixhobo zokudlala ezidingekayo
- Ithoni, ulwimi nerejista mazibe zezifanele ileta esesikweni

[30]**2.2 I-IMEYILE**

- Igama nedilesi ye-imeyile yalowo uthunyelelwayo, umzekelo: nico@gmail.co.za
- Isihloko somyalezo
- Isibuliso esibonakalisa ubudlelwane nalowo ubhalelwayo
- Umyalezo mawuncome ingoma yemvumi ayithandayoyo etshisayo
- Isiphelo: igama lomntu obhalayo, isikhundla nenombolo yonxibelelwano
- Ithoni nolwimi mazibe zezisesikweni

[30]**2.3 INQAKU LEPHEPHANDABA**

- Ukuze utsala umdla womlesi, inqaku malibe lelinika ulwazi lusithi ndifunde
- Isihloko masibe sifutshane sitsale umxhelo
- Kulula ukufunda inqaku lahlulwe ngokwezintlu
- Ubhalo malulungelelaniswe lahlulwe ngokwemihlathi kubekho intshayelelo, isiqu nesiphelo
- Umxholo umalunga nokulumkisa abantu ngabanokukwenza ukuzisindisa kwizikrelenqa
- Umbhali makakhankanywe
- Ithoni, isitayile nesihloko sixhomekeke kuhlobo lwenqaku, abantu ababhalelwa nakumbhali
- Amanqaku adla ngokuchaphazela izinto ezifana nezoluntu, ezopolitiko, ezenkcubeko njalo njalo
- Ithoni iya kuveza okucingwa ngumbhali

[30]

2.4 INTETHO

- Intetho mayivulwe ivalwe ngeempawu zocaphulo
- Intshayelelo itsale umdla wabaphulaphuli
- Amanqaku emiba aza kuthetha ngayo mawaphuhle
- Isimbo sokuthetha masihambe neewebhusayithi ezibalulekileyo
- Isiphelo masibesesincamisa umxhelo nesiza kwenza ukuba abaphulaphuli bahlale beyikhumbula le ntetho

[30]**AMANQAKU ECANDELO B: 30**

ICANDELO C: IMIHLATHI EMIFUTSHANE**IMIYALELO YOKUMAKISHA**

- Kweli CANDELO umviwa ukhetha umhlathi omNye, ukuba ukhethwe yangaphezu komnye makisha owokuqala.
- Ubude bomhlathi mabube ngamagama angama-60–80.
- Sebenzisa irubriki esisihlomelo C ukumakisha lo mhlathi.

UMBUZO 3**3.1 ISIBHENGEZO NTENGISO**

- Masitsale kwaye sibe nokulukuhla abathengi
- Kubekho isilogani nelogo
- Masitsale iliso kwaye singabinakulibaleka engqondweni
- Kusetyenziswe izafobe nezigaba zentetho ukudala ifuthe nokwenza ulwimi luhlale lukhumbuleka: umz; isikweko, isifaniso, uphindaphindo, imfano-zandi, isingqishi, isingqi njalo-njalo

[20]**3.2 UMYALEZO OMFUTSHANE**

- Isihloko somyalezo masibhalwe ngqindilili sibesesiphakathini
- Ekhohlo makubhalwe umhla, ixesha nesibuliso -sibonise igama lomntu obhalelwayo nobudlelwane
- Kwisiqo umyalezo ubhalwe ngezovakalisi ezipheleleyo ezilula
- Umxholo womyalezo ube ngowomnqweno womhla wokuzalwa
- Isiphelo: ekhohlo kubhalwe igama lombhali womyalezo (sibonakalise unxulumano lombhali nombhalelwa)
- Unakho ukusebenzisa ulwimi lwemihla ngemihla, angasebenzisi olundilisekileyo/olusemthethweni kuphela

[20]**3.3 IZALATHISI**

- Makanike imiyalelo malunga nendlela elula emayithathwe ngulowo walathiswayo
- Cacisa indawo asukela kuyo ukuya ePark
- Cacisa icala amakaye ngakulo ekhohlo, ekunene
- Imiyalelo yinike ngendlela elandelelana ngayo ukuze ifezekiseke lula
- Xela umgama oza kuhanjwa
- Xela ukuba uza kuhamba ngohola wendlela, isitalato, igama laso, izinto aza kuhlanguana nazo, ibhulorho anqumla kuzo njalo njalo
- Kubaluleke kakhulu ukucacisa inani lezitalato eziza kunqunyulwa kwakunye namagama azo
- Izihlomelo ezisetyenziswayo – ezendawo.

[20]

AMANQAKU ECANDELO C: 20
AMANQAKU EWONKE: 100

QAPHELA:

- Sebenzisa le rubriki rhoqo xa umakisha izincoko (Zephepha lesi-3, ICANDELO A).
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwikhayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhayitheriya yeSakhiwo yona ayichaphazeleki ngumgangatho ongentla nongezantsi.

ICANDELO A: IRUBHRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
UMXHOLO NOCWANGCISO	Umgangatho ongentla	28–30	22–24	16–18	10–12	4–6
(Impendulo nezimvo) Ukubekela izimvo ngenjongo yokucwangcisa. Ukubonakalisa ukuyazi injongo, abantu ekujoliswe kubo kunye nemeko.		- Impendulo ebalaseleyo enomtsalane, ngaphaya kobekulindelekile. - Izimvo zihlakaniphile, zixhokoxa iingcinga kwaye zinemfezeko. - Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko.	- Impendulo ixonxwe ngobugcisa obukhulu. - Izimvo zinxulumene nomxholo kwaye zinika umdla, bukho ubungqina bemfezeko kwizimvo. - lingcamango zibekelwe ngokwakhelanyo kuquka intshayelelo, isiqu nesiphelo.	- Impendulo iyanelisa ngokupheleleyo. - Izimvo ziyamathelana noko kwaye zingakuguqula ukucinga kofundayo. - lingcamango zibekelwe ngokunamatheleneyo kuquka intshayelelo, isiqu nesiphelo.	- Impendulo ingena iphuma emxholweni akukho lunamathelwano kwizimvo. - Izimvo azicacanga kwaye ezinye zazo zezemboleko. - Buncinci kakhulu ubungqina bobekelwano nonamathelwano lweengcamango.	- Impendulo ayikho mxholweni konke-konke. - Izimvo zibondene azigqalanga ntweni - Azivakali izimvo kwaye ziyaphindaphindwa/ uthetha into enye. - lingcamango zibekwe xazalala azinalunxibelelwano.
30 AMANQAKU	Umgangatho ongezantsi	25–27	19–21	13–15	7–9	0–3
		- Impendulo encamisileyo kodwa akukho zimpawu zakubalasela kubhekele phi kwisincoko. - Izimvo zivuthiwe zixhokoxa iingcinga. - lingcamango zibekelwe zandindaniswa ngobugcisa kuquka intshayelelo, isiqu kunye nesiphelo.	- Impendulo ixonxwe ngobugcisa. - Izimvo zisemxholweni kwaye zinika umdla. - Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo.	- Impendulo iyanelisa nangona kumana kubakho ukungacaci kwiindawo ezithile. - Kukho ukunamathelana okubonakalayo kwizimvo kwaye kuyanelisa. - Kukho ukubekelwa kweengcamango kwintshayelelo, isiqu nesiphelo.	- Impendulo iphumile emxholweni ubukhulu becala. - Izimvo ziyaqhawu-qhawuka ziyabhidisa. - Buyanqaphazeka ubungqina bokubekelwano kweengcamango nonamathelwano.	- Impendulo itenxile malunga nomxholo. - Izimvo zitenxile zingcwecwela kude nomxholo. - lingcamango ziyingxubevange engenamqalalisa.

IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]

Ikhrayitheriya		Balaseleyo	Enobuchule	Phakathi	Buthathaka	Bubhetyebhetye
ULWIMI, ISIMBO SOKUBHALA NOKUHLELA Ukuhambelana kwethoni, irejista, isimbo, isigama kunye nemeko. Ukhetho-magama. Ukusetyenziswa kolwimi nesigama. Iimpawu zobhalo, izakhi zezivakalisi, nopelo. 15 AMANQAKU	Umgangatho ongentia	14–15 - Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko. - Ulwimi lusetyenziswe ngokuzithemba, luyathabathekisa. - Ithoni enomtsalane nezafobe zentetho eziphumeza injongo. - Phantse kube akukho nasinye isiphene solwakhiwo zivakalisi, upelo nokusetyenziswa kolwimi. - Sixonxwe ngobugcisa obukhulu.	11–12 - Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko. - Ulwimi luchaneke ngakumbi kwaye ithoni isetyenziswe ngokuchaneke kwisincoko siphela. - Iziphene zokusetyenziswa kolwimi nopelo zinqongophele. - Sixonxwe ngobugcisa obukhulu.	8–9 - Ithoni, irejista, isimbo, isigama sifanelene nenjongo, abantu ekujoliswe kubo kunye nemeko. - Ulwimi olufanelekileyo ludlulisa umyalezo. - Ithoni ifanelekile. - Izafobe zentetho zinonga umxholo.	5–6 - Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko. - Ulwimi lusetyenziswa ngendlela ebuthathaka. - Ithoni nochongo magama azifanelekanga. - Isigama siqongophele.	0–3 - Ulwimi aluvakali. - Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko. - Ukunqongophala kwesigama kubaxekile kangangokuba ayinasihlahla into ebhaliweyo.
		Umgangatho ongezantsi	13 - Ulwimi luchaneke kanye nezafobe zisetyenziswe ngethoni ephumeza ukudlulisa umyalezo. - Phantse kube akukho nasinye isiphene olwakhiwo zivakalisi, upelo, nokusetyenziswa kolwimi. - Sixonxwe ngobugcisa obukhulu.	10 - Ulwimi lunomtsalane kwaye luyaziphumeza iinjongo zokubhala. - Ithoni ifanelekile kwaye iyaziphumeza iinjongo zokubhala. - Zimbalwa iziphene zezakhi zezivakalisi kunye nopelo. - Sixonxwe ngobugcisa.	7 - Kuyanelisa ukusetyenziswa kolwimi kodwa asekho amakhwiniba. - Ithoni ifanelekile kodwa izafobe zentetho ezisetyenzisiweyo zinqongophele.	4 - Ukusetyenziswa kolwimi kubonisa ububhetyebhetye. - Izivakalisi zinobuthathaka-azitshintsha-tshintshwa. - Isigama siqongophele ngokubalaseleyo.
ISAKHIWO Iimpawu zetekisi. Ukukhula kwemihlathi nokwakhiwa kwezivakalisi. 5 AMANQAKU		5 - Isihloko sikhuliswe ngokuncamisayo. - Iinkcukacha zibalasele ngokungaqhelekanga. - Izivakalisi, imihlathi zakhiwe zaqiqqiswa ngokugqwesileyo.	4 - Iinkcukacha ezinengqiqo zikhuliswe ngokwakhelanayo. - Izimvo zinamathelene. - Izivakalisi, imihlathi zitshintshatshintshwa ngobuchule obuqiqqisiweyo.	3 - Iinkcukacha ezisemxholweni zikhulisiwe. - Izivakalisi, imihlathi zakhiwe kakuhle. - Isincoko sibunjwe ngengqiqo.	2 - Zikho iingcamango ezamkelekileyo. - Isakhiwo sezivakalisi nesemihlathi sinamakhwiniba. - Isincoko sisenayo ingqiqo.	0–1 - Iingcamango ezifunekayo zinqongophele. - Isakhiwo sezivakalisi nesemihlathi sigxoko-gxoko. - Isincoko asinangqiqo.
		43–50	33–40	23–30	13–20	0–10
UMMANDLA WAMANQAKU						

ICANDELO B: IRUBRIKI YOKUHLOLA IMIHLATHI EMIDE – ULWIMI LOKUQALA OLONGEZELELWEYO [30 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO, UCWANGCISO NEFOMATHI Ukungqala kwempendulo nezimvo. Ukuqoqwa kwezimvo ngenjongo yokucwangcisa. Injongo yokubhala, abo kujoliswe kubo, iimpawu/imigaqo yetekisi, kunye nemeko. 18 AMANQAKU	15–18 - Impendulo igqwesile idlule okuqhelekileyo. - Izimvo ziqiqisisiwe kwaye zivuthiwe. - Luphangalele ulwazi lweempawu zolu didi lwetekisi. - Umsebenzi ungqalile uhleli emxholweni. - Kukho ukunamathelana kwizimvo nomxholo. - lingcamango zidakancwe ngobunono zonke iinkcukacha zixhasa isihloko. - Ifomathi ifanelekile kwaye ichanekile.	11–14 - Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. - Ingqalile ayiphumi nasemxholweni. - Izimvo zixoxwe zadakancwa ngokunamatheleneyo kumxholo nezimvo. - Iinkcukacha zixhasa isihloko. - Ifomathi ifanelekile ineendawana ezingachanekanga ezingephi.	8–10 - Impendulo iyanelisa ibonakalisa ulwazi lweempawu zolu didi lwetekisi. - Izimvo ziyaphuma emxholweni kwaye kukho nokugqwidiza. - Ukunamathelana kumxholo nezimvo kufanelekile. - Ezinye iinkcukacha zixhasa isihloko. - Ifomathi ifanelekile kodwa kusekho ukungachaneki.	5–7 - Impendulo ibonakalisa ulwazi olungephi lweempawu zolu didi lwetekisi. - Zimbalwa izimvo ezisemxholweni kodwa kuninzi ukuphuma ecaleni. - Kunqabile ukunamathelana komxholo nezimvo. - Zimbalwa iinkcukacha ezixhasa isihloko. - Imigaqo yefomathi ephambili isetyenziswe ngokungaqondi. - Kutyeshelwe izinto ezininzi.	0–4 - Impendulo ibonakalisa ukunqongophala kolwazi lweempawu zolu didi lwetekisi. - Intsingiselo ilahleka rhoqo ide iphume emxholweni. - Akukho ukunamathelana kumxholo nezimvo. - Zimbalwa kakhulu iinkcukacha ezixhasa isihloko. - Imigaqo eyimfuneko yobhalo lwale tekisi ityeshelwe.
ULWIMI ISIMBO SOKUBHALA NOKUHLELA Ithoni, irejista, isimbo, injongo/ifuhe, abo kujoliswe kubo kunye nemeko. Ukusetyenziswa kolwimi nemigaqo. Uchongo magama limpawu zokubhala kunye nopelo. 12 AMANQAKU	10–12 - Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko. - Izakhi zezivakalisi zisetyenziswe ngokuchanekileyo. - Phantse kube akukho nasinye isiphene.	8–9 - Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko. - Izakhi zezivakalisi zichanekile kwaye umyalezo wakheke kakuhle. - Isigama sichanekile. - Ubukhulu becala akukho zimpazamo.	6–7 - Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko. - Izakhi zezivakalisi zibonakalisa iimposiso. - Isigama siyanelisa. - Iimpazamo zobhalo ezikhoyo aziyiphazamisi intsingiselo nomyalezo.	4–5 - Ithoni, irejista, isimbo, nesigama azingqamani nenjongo kwakunye nabantu ekujoliswe kubo kunye nemeko. - Izakhi zezivakalisi zineemposiso ezininzi eziphazamisa umyalezo. - Sinqongophele isigama. - Kukho amagingxi-gingxi kwintsingiselo.	0–3 - Ithoni, irejista, isimbo, nesigama azingqamani nenjongo, imeko kwakunye nabantu ekujoliswe kubo. - Izele ziimpazamo ixazalala. - Isigama asifanelananga nenjongo. - Intsingiselo ilahleke kakhulu.
UMMANDLA WAMANQAKU	25–30	19–23	14–17	9–12	0–7

ICANDELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]

Ikhayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO UKUCWANGCISA NEFOMATHI Impendulo nezimvo. Ukubekelelwa kwezimvo. Iimpawu zetekisi/ umgaqo kunye nemeko. 12 AMANQAKU	10–12 - Impendulo igqwesile ibonisa ukuqisiswa kwezimvo. - Izimvo zihlakaniphile kwaye zivuthiwe. - Luphangalele ulwazi lweempawu zolu didi lwetekisi. - Umsebenzi ungqalile akukho kugqwidiza Kubonakala ukunamathelana kwizimvo nomxholo. - Iingcamango zidakancwe ngobunono kwaye zonke iinkcukacha zixhasa isihloko. - Ifomathi ifanelekile kwaye ichanekile.	8–9 - Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. - Ingqalile ayiphumi nasemxholweni. - Izimvo zixoxwe zadakancwa ngokunamatheleneyo kumxholo nezimvo. - Iinkcukacha zixhasa isihloko - Ifomathi ingqalile iindawana ezikhoyo ezingachanekanga aziyiphazamisi injongo yokubhala.	6–7 - Impendulo iyanelisa ibonakalisa ulwazi lweempawu zolu didi lwetekisi. - Izimvo azisoloko zisemxholweni kwaye kukho nokugqwidiza - Ukunamathelana kumxholo nezimvo. kwenzeka ngokufanelekileyo. - Ezinye iinkcukacha zixhasa isihloko. - Ifomathi ingqalile kodwa zikho iindawana ezingachanekanga.	4–5 - Kubonakala ubunzima malunga nolwazi lweempawu zolu didi lwetekisi. - Zimbalwa izimvo ezisemxholweni kodwa kuninzi ukuphuma ecaleni. - Kunqabile ukunamathelana komxholo nezimvo. - Zimbalwa iinkcukacha ezixhasa isihloko. - Imigaqo yefomathi ephambili ityeshelwe okanye isetyenziswe ngokungaqondi.	0–3 - Impendulo ibonakalisa ukunqongophala kolwazi lweempawu zolu didi lwetekisi. - Intsingiselo ilahleka rhoqo kukho intsingiselo iduke kwisakhiwo esixazalala. - Akukho ukunamathelana kumxholo nezimvo. - Zimbalwa kakhulu iinkcukacha ezixhasa isihloko. - Imigaqo eyimfuneko yobhalo lwale tekisi ityeshelwe.
	7–8	5–6	4	3	0–2
ULWIMI, ISIMBO SOKUBHALA NOKUHLELA Ithoni, irejista, isimbo, nesigama singqamene nenjongo kunye nemeko. Ukusetyenziswa kolwimi nemigaqo. Ukhetho- magama limpawu zokubhala kunye nopelo. 8 AMANQAKU	- Ithoni, irejista, isimbo, nesigama zifanelene kakhulu nenjongo, abo kujoliswe kubo kunye nemeko. - Izakhi zezivakalisi zisetyenziswe ngokuchanekileyo. - Phantse kube akukho nasinye isiphene.	- Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko. - Izakhi zezivakalisi zichanekile kwaye umyalezo wakheke kakuhle. - Isigama sichanekile. - Ubukhulu becala azikho iimpazamo.	- Ithoni, irejista, isimbo, nesigama sifanelene nenjongo, abantu ekujoliswe kubo kwakunye nemeko. - Izakhi zezivakalisi zibonakalisa iimposiso. - Isigama siyanelisa. - Iimpazamo zobhalo ezikhoyo aziyiphazamisi intsingiselo.	- Ithoni, irejista, isimbo, nesigama azifanelananga nenjongo, abantu ekujoliswe kubo kunye nemeko. - Izakhi zezivakalisi zineemposiso ezininzi eziphazamisa umyalezo. - Singongophele isigama. - Kukho amagingxi-gingxi kwintsingiselo.	- Ithoni, irejista, isimbo, nesigama azifanelananga nenjongo, imeko kwakunye nabantu ekujoliswe kubo. - Izele ziimpazamo ixazalala iyadida. - Isigama asihambelani nenjongo. - Intsingiselo ilahlekile kakhulu.
UMMANDLA WAMANQAKU	17–20	13–15	10–11	7–8	0–5